

Minister Dr. Richard Visser: Pa prome biaha Aruba tin un herment científico di e caliber aki

"Health Monitor" ta duna un bista amplio riba estado di salud di Aruba



ORANJESTAD (AAN): Minister di Salud Publico y Deporte Dr. Richard Visser a presenta su proyecto "Health Monitor". El a splica cu esaki ta e prome "Health Monitor" pa Aruba y e ta bin den forma di un buki basta completo cu ta haci un analisis di tur e diferente aspectonan di salud aki na Aruba.


E prome capitulo ta tocante datonan demografico y despues e informacion ta riba estilo di vida sucesivamente ta trata varios area di salud, fisico, malesanan cronico, infecciosos y salud di nos nos muchanan.

Segun e mandatario tin hopi informacion y datonan resultado di diferente investigacionnan cu a ser haci durante varios aña. A keda ancla den nos ley di Salud Publico cu lo produci un Health Monitor cada 4 aña.

Cu e analisis di e Health monitor por adapta y establece prioridadnan den e maneho di salud publico. "E health monitor tin e cifranan cu

nos ta haya di nos docternan di cas, di nos specialistanan, di Hospital, di IMSAN, di Universidad di Aruba, CBS, di diferente instancianan oficial, nos NGO nan, tur e informacionnan aki ta acumula pa e Seccion di Epidemiologia di Departamento di Salubridad Publico. Eynan un team ta registra y analisa e datonan y haci diferente chartsnan, skirbi y a compila tur e informacion aki pa nos haya vista con nos salud ta cana na Aruba. Ta importante pa cada pais ta conciente kico ta su issuenan, na unda mester pone atencion, kico ta bay ta nos prioridadnan pa e proximo añanan y si e prioridadnan aki ta cambia. Di eynan nos por forma e maneho como gobierno, e direccion di nos hospital, e direccion di nos prevencion, e direccion di nos cuidio en general".

Minister Visser a splica durante di e conferencia di prensa cu Aruba ta e prome pais di e islanan hulandes pa haci esaki. El a gradici esnan



cu a traha den e proyecto aki. Tin dos expertonan di Den Haag kende a yuda setup y haci hopi di e structura di e health monitor. Nan a yuda pone e teamnan hunto pa por a yega na ehecuion di e Health Monitor..

Dos aña y mey e Departamento di Salud Publico a traha riba dje pa asina awe por tin e producto

final. E mandatario a gradici e management team di Departamento di Salud Publico, e diferente hefenan di departamento cu a duna sosten, su team di maneho na ministerio y tur cu a colabora cu e proyecto aki trahando incansablemente.

E mandatario a aclarea cu e Health Monitor su obhetivo

no ta pa bay midi eficiencia di e maneho. Pero loke si e ta haci ta duna datonan riba diferente aspecto di nos salud y tur e estudionan cu ta ser haci.

Loke ta bay pasa awor ta cu tur e estudionan cu ta ser haci na Hospital manera riba tempo di espera, antibiotica, calidad, etc lo bay den e proximo Health Monitor. Cu esaki lo por wak den tempo e progreso di nos salud na Aruba, asina e minister a señala.

Minister di Salud Publico y Deporte a enfatiza cu e Health Monitor ta contribui pa profesionalnan di salud traha riba un mesun liña. Tur esnan envolvi ta bay sa unda mester bay y con esaki ta bay traha. Kiemen cu e Health Monitor no lo ta mara na un gobierno pero na un structura cu lo bay traha cune.

"E Health Monitor ta bay pone nos riba un direccion caminda e prioridad ta nos isla y nos hendenan cu ta biba akinan", Minister Visser a manifesta. "Pa e hendenan den e veld, esaki ta bay ta e compass pa nan".

Back 2 School

Best seller
Hurry up because OP = OP limited stock

Computer Table (Beech)